



I. PRINCIPADO DE ASTURIAS

• OTRAS DISPOSICIONES

CONSEYERÍA D'EDUCACIÓN, CULTURA Y DEPORTE (IX LEGISLATURA)

RESOLUCIÓN de 23 de xunetu del 2015, de la Conseyería d'Educación, Cultura y Deporte, pola que s'aprueba la primer modificación de les bases de los premios «Xosefa Xovellanos» de Novela, «Xuan M.^a Acebal» de Poesía, «Máximo Fuertes Acevedo» d'Ensayu, «María Josefa Canellada» de Lliteratura Infantil/Xuvenil y «Alfonso Iglesias» de Cómic en llingua asturiana.

La xestión de la política llingüística ta incardinada n'ámbitu de la Conseyería d'Educación, Cultura y Deporte d'alcuerdu colo dispuesto nos artículos 38 de la Llei del Principáu d'Asturies 6/1984, de 5 de xunetu, del Presidente y del Conseyu de Gobiernu; y l'artículu 6 del Decretu 4/2012, de 26 de mayu, del Presidente del Principáu, de Reestructuración de les Conseyerías qu'integren l'Alministración de la Comunidá Autónoma.

Fomentar la creatividá lliteraria ayuda ensin dulda a desenvolver el conteníu cultural de la sociedá, sobre manera teniendo en cuenta la importancia de la lliteratura, en cualquiera de les sos munches manifestaciones, nel nuestro tiempu. Ye sabíu tamién que la escritura, que naz de la voluntá de creación y comunicación, implica un trabayu personal importante, una dedicación de tiempu y esfuerriu que, aunque nun son midibles en términos económicos porque'l valir intrínsecu de la lliteratura trescien de estos parámetros, sí que se puen reconocer y incentivar polos poderes públicos. Por eso, la Conseyería d'Educación, Cultura y Deporte del Principáu d'Asturies vien convocando anualmente dellos premios lliterarios empobinaos a afitar, arriquecer y prestixar la llingua y cultura asturianas.

Nel desenvolvimientu d'esti oxetivu de normalización foron oxetu d'aprobación les Bases de los premios «Xosefa Xovellanos» de Novela, «Xuan M.^a Acebal» de Poesía, «Máximo Fuertes Acevedo» d'Ensayu, «María Josefa Canellada» de Lliteratura Infantil/Xuvenil y «Alfonso Iglesias» de Cómic en llingua asturiana por Resolución de 5 de marzu del 2009 (BOPA de 27 de marzu del 2009).

Cola mira d'axustar les bases mentaes a la esixencia del procesu creativu nel xéneru de cómic, modifíquense naquellos aspectos qu'afecten al Premiu «Alfonso Iglesias» de Cómic en llingua asturiana, na creyencia, amás, de qu'actuaciones como ésta ayuden de forma eficaz a dinamizar l'actividá cultural de la Comunidá Autónoma, y n'especial un aspectu tan importante d'ella como ye'l de la creación lliteraria en tolos sos xéneros.

D'alcuerdu con esto, de conformidá cola Llei del Principáu d'Asturies 2/1995, de 13 de marzu, sobre Réxime Xurídicu de l'Alministración; la Llei del Principáu d'Asturies 6/1984, de 5 de xunetu, del Presidente y del Conseyu de Gobiernu; los artículos 17 y 22 de la Llei 38/2003 de 17 de payares, Xeneral de Subvenciones; el Decretu 71/1992, de 29 d'ochobre, pol que se regula'l Réxime Xeneral de Concesión de Subvenciones, a propuesta de la Directora xeneral de Política Llingüística

RESUELVO

Primero.—Aprobar la primer modificación de les bases de los premios «Xosefa Xovellanos» de Novela, «Xuan M.^a Acebal» de Poesía, «Máximo Fuertes Acevedo» d'Ensayu, «María Josefa Canellada» de Lliteratura Infantil/Xuvenil y «Alfonso Iglesias» de Cómic en llingua asturiana aprobaes por Resolución de 5 de marzu del 2009, d'alcuerdu al Anexu d'esta resolución, permaneciendo invariable lo demás.

Segundo.—Disponer la publicación d'esta resolución nel *Boletín Oficial del Principáu d'Asturies*.

Disposición adicional única.—Testu consolidáu

Con fin de facilitar la conocencia y cumplimientu precisu del marcu normativu de los premios lliterarios en llingua asturiana va incorporase a la páxina web www.politicallinguistica.org el testu consolidáu resultante d'esta modificación.

Disposición final única.—Entrada en vigor

Esta resolución va entrar en vigor a otru día de publicase nel *Boletín Oficial del Principáu d'Asturies*.

Oviedo, 23 de xunetu de 2015.—La Conseyera d'Educación, Cultura y Deporte, Ana González Rodríguez.—Cód. 2015-12505.



Anexu

PRIMER MODIFICACIÓN DE LES BASES DE LOS PREMIOS «XOSEFA XOVELLANOS» DE NOVELA, «XUAN M.^a ACEBAL» DE POESÍA, «MÁXIMO FUERTES ACEVEDO» D'ENSAYU, «MARÍA JOSEFA CANELLADA» DE LLITERATURA INFANTIL/XUVENIL Y «ALFONSO IGLESIAS» DE CÓMIC EN LINGUA ASTURIANA

Primero.—La base primera nel so puntu 5 queda redactada d'esta manera:

“I.—*Oxetu:*

5. Premiu de Cómec en llingua asturiana «Alfonso Iglesias»

Gallardón al que se van poder presentar cómecs escritos en llingua asturiana qu'han tener la estensión total mínima que se determine na convocatoria; sicasí, pa participar ha presentase un proyectu inicial con una estensión mínima de quince páxines.

L'estilu, tratamientu y tema van ser llibres, y la obra presentada va poder abarcar el desenvolvimientu d'una historia única o un conxuntu d'histories (rellacionaes o non ente elles).

Les obres presentaes han ser inédites y non premiaes n'otros concursos”.

Segundo.—La base séptima queda redactada d'esta manera:

“VII.—*Pagu del premiu.*

El pagu de la cantidá total va facese por tresferencia bancaria a la cuenta que designen les persones gallardonaes colos premios «Xosefa Xovellanos» de Novela, «Xuan M.^a Acebal» de Poesía, «Máximo Fuertes Acevedo» d'Ensayu, «María Josefa Canellada» de Lliteratura Infantil/Xuvenil.

D'alguerdu colo dispuesto nos artículos 17.3 k) y 34.4 de la Llei 38/2003 de 17 de payares, Xeneral de Subvenciones, la persona gallardonada col Premiu «Alfonso Iglesias» de Cómec va ser acreedora del 50% del importe del premiu desque se comunique'l veredictu cola resolución de concesión, y del 50% restante depués d'apurir el proyectu acabáu, antes de la fecha tope qu'afite la convocatoria. Los abonos de les cantidaes van facese por tresferencia bancaria a la cuenta que designe la persona gallardonada col premiu. Si nun presenta'l proyectu rematáu dientro del tiempu indicáu va abrise'l correspondiente procedimientu de revocación y reintegru que proceda y d'alguerdu colo estableció na base IX.

En tou casu, los premios van tar suxetos a la correspondiente retención d'alguerdu colo estableció na normativa reguladora del impuestu sobre la renta de les persones físicas y otros normativos tributaries”.